



Concello de Baralla

“ORDENANZA REGULADORA DO FUNCIONAMENTO INTERNO DOS SERVIZOS DE PISCINAS MUNICIPAIS”

A Lei 14/1986, do 25 de abril, xeral de sanidade regula a intervención dos organismos competentes en actividades públicas ou privadas que directa ou indirectamente poidan ter consecuencias negativas para a saúde, mediante as correspondentes limitacións preventivas de carácter administrativo.

A Consellería de Sanidade da Xunta de Galicia, a través do Decreto 103/2005, do 6 de maio polo que se establece a regulamentación técnico sanitaria de piscinas de uso colectivo, fixa con carácter obrigatorio, as normas que regulan o control sanitario das piscinas de uso colectivo situadas no territorio da comunidade autónoma de Galicia.

A finalidade desta ordenanza é completar a devandita normativa establecendo as condicións que deben respectar as persoas usuarias, co fin tanto de garantir un bo uso das instalacións, que reverta no seu óptimo funcionamento, como de facilitar a convivencia nestes espazos que son compartidos por unha pluralidade de persoas.

Esta ordenanza ten por obxecto regular o uso das piscinas municipais do Concello de Baralla, e será de aplicación ás actividades que se desenvolvan neste espazo.

As piscinas municipais teñen a condición de bens de dominio público, destinados á prestación dun servizo público municipal á cidadanía, de acordo co artigo 4 do Regulamento de Bens das Corporacións Locais, aprobado por Real decreto 1372/1986, do 13 de xuño e, co artigo 85 da Lei 7/1985, do 2 de abril, reguladora das bases do réxime local.

Artigo 1.-

O aforo máximo de utilización de cada vaso da instalación é : vaso adultos 156 persoas e no vaso infantil 10 nenos.

Artigo 2.-

Será obrigatoria a ducha antes da inmersión na auga da piscina, tanto por motivos de hixiene como para evitar o choque térmico.

Artigo 3.-

Será obrigatorio o uso de “chancletas” ou calzado de baño persoal na zona de baño e nos vestiarios.

Concello de Baralla

Avda. Evaristo Correa Calderón, 58, Baralla. 27680 Lugo. Tfno. 982363303. Fax: 982363221





Concello de Baralla

Artigo 4.-

Queda prohibida a entrada a instalación ás persoas que non presenten as condicións hixiénicas e sanitarias adecuadas para a inmersión na auga e o uso do resto dos espazos da instalación.

Artigo 5.-

As persoas que padezan algunha enfermidade transmisíbel, especialmente afeccións cutáneas sospeitosas, deberán comunicalo ao persoal encargado da piscina, que poderá solicitar que acrediten mediante certificado médico que poden facer libre uso da piscina sen supoñer un risco para o resto dos usuarios.

Artigo 6.-

Está totalmente prohibido fumar en calquera das dependencias da instalación.

Artigo 7.-

Para permitir o acceso de nenos/as menores 10 anos, deberán ir acompañados por unha ou máis persoas maiores de idade que se fagan responsables.

Artigo 8.-

Os usuarios da instalación quedarán obrigados a atender as indicacións das persoas encargadas do control da instalación (socorrista/monitor/outros) en todo momento. Un comportamento antisocial suporá a expulsión do recinto ao infractor.

Artigo 9.-

Queda prohibida a entrada á zona de baño vestido con roupa ou calzado de rúa.

Artigo 10.-

Non está permitido correr pola zona de piscina, nin lanzarse á auga de cabeza en carreira .

Artigo 11.

Queda prohibido tirar lixo dentro do recinto das instalacións, debendo empregar as papeleiras destinadas a tal efecto.

Concello de Baralla

Avda. Evaristo Correa Calderón, 58, Baralla. 27680 Lugo. Tfno. 982363303. Fax: 982363221





Concello de Baralla

Artigo 12.

Prohíbese a entrada de animais no recinto das instalacións, agas cans de guía.

Artigo 13.-

Os usuarios das instalacións terán dereito a utilizar as taquillas gardarroupa.

Artigo 14.-

Tanto na natación escolar como en outros grupos colectivos específicos virán sempre acompañados dun responsable, que será en todo momento o responsable do grupo dentro da instalación.

Artigo 15.-

Todo o usuario que utilice as taquillas deberá deixalas baleiras ao rematar a actividade. Polo tanto, queda prohibido gardar unha taquilla exclusivamente para uso do persoal.

As taquillas que permanezan pechadas ao rematar a xornada serán abertas e baleiradas polo persoal da piscina.

Artigo 16.

Os obxectos esquecidos no vestiario ou en calquera outro espazo da instalación, permanecerán en recepción na zona de “obxectos perdidos” durante un máximo de 15 días. Se neste prazo non é reclamado polo seu propietario, a dirección entregará estes obxectos a algunha entidade benéfica.

Artigo 17.-

Todo desperfecto ocasionado nas instalacións obrigará ao causante do mesmo sufragar economicamente a súa reposición ou reparación.

Artigo 18.-

O concello non se fai responsable da desaparición o roubo que se poida dar nas instalacións. Polo que se recomenda o uso das taquillas.

Artigo 19.-

Todo accidente que se produza na instalación será comunicado antes de abandonar a mesma. Sempre que o motivo da lesión sexa negligencia do persoal ou defectos da

Concello de Baralla

Avda. Evaristo Correa Calderón, 58, Baralla. 27680 Lugo. Tfno. 982363303. Fax: 982363221





Concello de Baralla

instalación, os gastos correrán a cargo do seguro do concello. No caso de ser calquera outra cousa o Concello non se fará responsable dos gastos que ocasione.

Artigo 20.-

O incumprimento de calquera dos artigos anteriores suporá a prohibición da entrada na instalación durante un tempo determinado, na relación coa gravidade da infracción, sendo este valorado pola dirección técnica da instalación.

DISPOSICIÓN FINAL ÚNICA. ENTRADA EN VIGOR.

A presente Ordenanza entrará en vigor ao día seguinte da súa publicación no Boletín Oficial da Provincia de Lugo do texto integro aprobado polo Pleno Municipal.

Concello de Baralla

Avda. Evaristo Correa Calderón, 58, Baralla. 27680 Lugo. Tfno. 982363303. Fax: 982363221

